

列子卷第六

張湛處度注

力命第六

命者必然之期素定之分也雖此事未驗而此理已然若以壽夭存於御

養窮達係於智力此惑於天理也

力謂命曰若之功奚若我哉命曰汝奚功於物而欲比朕力曰壽夭窮達貴賤貧富我力之所能也命曰彭祖之智不出堯舜之上而壽八百顏淵之才不出衆人之下而壽十八仲尼之德不出諸侯之下而困於陳蔡殷紂之行不出三仁之上而居君位季札无爵於吳田恒專有齊國夷齊餓於首陽季氏富於展

禽。若是汝力之所能。柰何壽彼而夭此。窮聖而達逆。賤賢而貴愚。貧善而富惡。邪。力曰。若如若言。我固无。功於物而物若此。邪。此則若之所制。邪。命曰。既謂之。命。柰何有制之者。邪。朕直而推之。曲而任之。自壽自。

天。自窮自達。自貴自賤。自富自貧。

不知所以然而然者。命也。豈可以制。

也。朕豈能識之哉。朕豈能識之哉。

此篇明萬物皆有命。則智力无施。楊。

朱篇言人皆肆情則制不由命。義例不一。似相違反。然治亂推移。愛惡相攻。情偽萬端。故要時競其弊。孰知所以是以聖人兩存而不辨。將以大扶名教。而致弊之由。不可都塞。或有恃詐力以干時命者。則楚子問鼎於周。无知亂適於齊。或有矯天真以殉名者。則夷齊守餓。西山仲由被醢。於衛故列子叩其二端。使萬物自求其中。苟得其中。則智動者不以權力亂其素分。矜名者不以矯抑虧其形生。發言之旨。其在於。

斯嗚呼覽者
可不察哉

北宮子謂西門子曰朕與子並世也而

人子達並族也而人子敬並貌也而人子愛並言也
而人子庸並行也而人子誠並仕也而人子貴並農
也而人子富並商也而人子利朕衣則裋褐食則粢
糲居則蓬室出則徒行子衣則文錦食則粱肉居則
連櫪出則結駟在家熙然有棄朕之心在朝諤然有
敖朕之色請謁不相及遨遊不同行固有年矣子自
以德過朕邪西門子曰予无以知其實汝造事而窮
予造事而達此厚薄之驗歟

謂德有厚薄也

而皆謂與予並

汝之顏厚矣北宮子无以應自失而歸中塗遇東郭

先生先生曰汝奚往而反偶偶而步有深愧之色耶
北宮子言其狀東郭先生曰吾將舍汝之愧與汝更
之西門氏而問之曰汝奚辱北宮子之深乎固且言
之西門子曰北宮子言世族年貌言行與予並而賤
貴貧富與予異予語之曰予无以知其實汝造事而
窮予造事而達此將厚薄之驗歟而皆謂與予並汝
之顏厚矣東郭先生曰汝之言厚薄不過言才德之
差吾之言厚薄異於是矣夫北宮子厚於德薄於命
汝厚於命薄於德汝之達非智得也北宮子之窮非
愚失也皆天也非人也

此自然而非
由人事巧拙也

而汝以命厚

自矜北宮子以德厚自愧皆不識夫固然之理矣西

門子曰先生止矣予不敢復言

聞理而服

北宮子既歸衣

其袒褐有狐貉之溫進其莪菽有稻粱之味庇其蓬

室若廣廈之蔭乘其輶輅若文軒之飾終身道然不

知榮辱之在彼也在我也

一達於理則外物多少不足以槩意也

東郭

先生聞之曰北宮子之寐久矣一言而能寤易悟也

哉管夷吾鮑叔牙二人相友甚戚同處於齊管夷吾

事公子糾鮑叔牙事公子小白齊公族多寵嫡庶並

行

齊僖公母弟夷仲年生公孫无知僖公愛之令禮秩同於太子也

國人懼亂管仲

與召忽奉公子糾奔魯

糾襄公次弟

鮑叔奉公子小白奔

莒

小白糾之次弟

既而公孫无知作亂

襄公立絀无知秩服遂殺襄公而自立國

人尋殺之

齊无君二公子爭入管夷吾與小白戰於莒道

射中小白帶鉤小白既立

小白即桓公也

脅魯殺子糾召忽

死之管夷吾被囚

齊告魯曰子糾兄弟弗忍加誅請殺之召忽管仲讐也請得而甘心

醢之不然將滅魯魯患之遂殺子糾召忽自殺管仲請囚也

鮑叔牙謂桓公曰管

夷吾可以治國桓公曰我讐也願殺之鮑叔牙曰

吾聞賢君无私怨且人能爲其主亦必能爲人君如

欲霸王非夷吾其弗可君必舍之遂召管仲魯歸之

齊鮑叔牙郊迎釋其囚桓公禮之

鮑叔親迎管仲於堂阜而脫其桎梏

於齊郊而見桓公也

而位於高國之上鮑叔牙以身下之

高國齊之

史遷官易
信亦其
語而詞少
有異同

世任以國政號曰仲父桓公遂霸管仲嘗歎曰吾少
窮困時嘗與鮑叔賈分財多自與鮑叔不以我爲貪
知我貧也吾嘗爲鮑叔謀事而大窮困鮑叔不以我
爲愚知時有利不利也吾嘗三仕三見逐於君鮑叔
不以我爲不肖知我不遭時也吾嘗三戰三北鮑叔
不以我爲怯知我有老母也公子糾敗召忽死之吾
幽囚受辱鮑叔不以我爲無恥知我不羞小節而恥
名不顯於天下也生我者父母知我者鮑叔也此世
稱管鮑善交者小白善用能者然實无善交實无用
能也實无善交實无用能者非更有善交更有善用

此等語甚
汚人目即
清自清
亦不解

能也

此明理无善交用能非但管鮑桓公而已

召忽非能死不得不死鮑

叔非能舉賢不得不舉小白非能用讐不得不用

此皆

冥中自相驅使非人理所制也

及管夷吾有病小白問之曰仲父之

病病矣可不諱云

言病之甚不可復諱而不言也

至於大病則寡人

惡乎屬國而可夷吾曰公誰欲歟小白曰鮑叔牙可

曰不可其為人潔廉善士也

清已

其於不已若者不

比之人

欲以已善齊物也

一聞人之過終身不忘

不能棄瑕錄善

使

之理國上且鉤乎君下且逆乎民

必引君令其道不弘道苟不弘則逆

民而不能納矣

其得罪於君也將弗久矣小白曰然則孰可

對曰勿已則隰朋可

非君然而可也

其為人也上忘而下不

叛居高而自忘則愧其不若黃帝而哀不已若者慙

道之不及聖矜其民之不逮已故能無棄人也以德分人謂之聖人化之使

不宰割也以財分人謂之賢人既以與人以賢臨人未有

得人者也求備於人則以賢下人者未有不得人者

也與物升降其於國有不聞也其於家有不見也行道

則不煩聞見故曰不者物必歸勿已則隰朋可郭象曰若有聞

而羣下無所措其手足故遺之瞽不聾不能成功然則管夷吾非薄鮑

叔也不得不薄非厚隰朋也不得不厚厚之於始或

薄之於終薄之於終或厚之於始厚薄之去來弗由

我也皆天鄧析操兩可之說設无窮之辭當子產執

政作竹刑

竹刑簡法

鄭國用之數難子產之治子產屈之

子產執而戮之俄而誅之

此傳云子產誅鄧析而用其竹云駟歛殺鄧析而用其竹

刑子產卒後二十年而鄧析死也

然則子產非能用竹刑不得不用

鄧析非能屈子產不得不屈子產非能誅鄧析不得

不誅也

此義例與上章同也

可以生而生

或積德履仁或遇時而通得當年之歡騁

於一已之志似由報應若出智力也

天福也

自然生耳自然泰耳未必由仁德與智力然交履信

順之行得騁一已之志終年而無憂虞非天福如之何也

可以死而死

或積惡行暴或飢寒

窮困故不顧刑戮不賴生存而威之於死似由身招若應事而至也

天福也

自然死耳自然窮耳

未必由凶虐與愚弱然肆凶虐之心居不賴生之可地而威之於死是之死得死者故亦曰天福者也可

以生而不生

居榮泰之地願獲長年而早終

天罰也

願生而不得生故曰天罰也

可以死而不死

居困辱之地不願久生而更不死也

天罰也

輕死而不死復是

天可以生可以死得生得死有矣

此之生而得生此之死而得死不

可以生不可以死或死或生有矣

此義之生而更死之死而更生者也

此二句上義已該之而重出疑書誤

然而生生死死非物非我皆命也

智之所无柰何

生死之理既不可測則死不由物生不在我豈智之所如

故曰竊

然无際天道自會漠然无分天道自運

无際无分是自然之極自

會自運豈有役之哉

天地不能犯

天地雖大不能違自然也

聖智不能干

神聖

雖妙不能逆時運也

鬼魅不能欺

鬼魅雖妖不能詐真正也

自然者默之成

之默无也

平之寧之

平寧无所施為

將之迎之

功无遺喪似若將迎

楊朱

之友曰季梁季梁得疾十日大漸

漸劇也

其子環而泣

之請醫季梁謂楊朱曰吾子不肖如此之甚汝奚不
爲我歌以曉之楊朱歌曰天其弗識人胡能覺匪祐
自天弗孽由人我乎汝乎其弗知乎醫乎巫乎其知
之乎

言唯我與汝識死生有命耳非醫巫所知也

其子弗曉終謁三醫

解不

楊朱歌旨謂與已同也

一曰矯氏二曰俞氏三曰盧氏診其所

疾矯氏謂季梁曰汝寒溫不節虛實失度病由飢飽
色欲精慮煩散非天非鬼雖漸可攻也季梁曰衆醫
也亟屏之俞氏曰女始則胎氣不足乳湏有餘病非
一朝一夕之故其所由來漸矣弗可已也季梁曰良
醫也且食之盧氏曰汝疾不由天亦不由人亦不由

鬼稟生受形既有制之者矣亦有知之者矣

夫死生之分脩

短之期咸定於无爲天理之所制矣但愚昧者之所惑立達者之所悟也

藥石其如汝何

季梁曰神醫也重貺遣之俄而季梁之疾自瘳生非

貴之所能存身非愛之所能厚生亦非賤之所能天

身亦非輕之所能薄故貴之或不生賤之或不死愛

之或不厚輕之或不薄此似反也非反也此自生自

死自厚自薄或貴之而生或賤之而死或愛之而厚

或輕之而薄此似順也非順也此亦自生自死自厚

自薄鬻熊語文王

鬻熊文王師也

曰自長非所增自短非所

損算之所亡若何

算猶智也

老聃語關尹曰天之所惡孰

知其故

王弼曰孰誰也言誰能知天意耶其唯聖人也

言迎天意揣利害不

如其已

夫順天理而無心者則鬼神不能犯人事不能干若迎天意料倚伏處順以去逆就利而

違害此方與逆害為巨對用智之精巧者耳未能使吉凶不生禍福兼盡也

楊布

楊朱弟也

問

曰有人於此年兄弟也言兄弟也才兄弟也貌兄弟

也而壽夭父子也貴賤父子也名譽父子也愛憎父

子也吾惑之楊子曰古之人有言吾嘗識之將以告

若不知所以然而然命也

自然之理故不可以智知

今昏昏昧昧

紛紛若若隨所為隨所不為日去日來孰能知其故

皆命也夫信命者亡壽夭

有壽夭則非命

信理者亡是非

有是非

非則非理

信心者亡逆順

有逆順則非心

信性者亡安危

有安危則非性

則謂之都亡所信都亡所不信

理亦無信與不信也

真矣慤矣

奚去奚就奚哀奚樂奚為奚不為

理苟無心則無所不為亦無所為也

黃帝之書云至人居若死動若械

此舉無心之極

亦不知所

以居亦不知所以不居亦不知所以動亦不知所以

不動亦不以眾人之觀易其情貌亦不謂眾人之不

觀不易其情貌

不為外物視聽改其度也

獨往獨來獨出獨入孰

能礙之

物往亦往物來亦來任物出入故莫有礙

墨

音眉

屎

勅夷

單

音戰

然齒 咍

許 慤

妨 慤

音敷此皆默詐輕發迂緩急速之貌

四人相與游於世

胥如志也窮年不相知情自以智之深也巧佞愚直

婢

魚 斫

齒 便辟

婢斫不解悟之貌

四人相與游於世胥如志

也窮年而不相語術自以巧之微也

苦交 恆苦情露

讒

音蹇

極凌誅

音碎此皆多諄訥澀辯給之貌

四人相與游於世胥如

志也窮年不相曉悟自以爲才之得也眠

莫典 姪徒誅

止 諉

如偽

勇敢怯疑

眠姪不開通之貌誅諉煩重之貌

四人相與游於

世胥如志也窮年不相謫發自以行无戾也多偶自

專乘權隻立四人相與游於世胥如志也窮年不相

顧眄自以時之適也此衆態也貌不一而咸之於道

命所歸也侂侂

姑危

成者侂成也

侂音肖侂似也

初非成也侂

侂敗者侂敗者也初非敗也

世有幾得幾失之言而理實無幾也

故迷

生於侂

惑其以成敗而不能辯迷之所由也

侂之際昧然於侂而不昧

然際猶會也言冥昧難分耳則不駭外禍不喜內福禍福豈有內外皆理之玄

定者也見其卒起因謂外至見其漸著因謂內成也隨時動隨時止智不能知

也動止非我則非智所識也信命者於彼我無二心無喜懼之情也於彼

我而有二心者不若掩目塞耳背坂面隍亦不墜仆

也此明用智計之不如任自然也故曰死生自命也若其非命則仁智者必壽凶愚者必夭而

未必然也貧窮自時也若其非時則勤儉者必富而奢惰者必貧亦未必然怨

夭折者不知命者也怨貧窮者不知時者也此皆不識自然

理之當死不懼在窮不戚知命安時也其使多智之人

量利害料虛實度人情得亦中亡亦中中半也其少智

之人不量利害不料虛實不度人情得亦中亡亦中